

პირველ თაველებს

ვდღესასწაულობთ პირველ თაველებს
მოსასწაულე ვარდთა დაგებით,
აივნებს მალე ააყვავილებს
რტოების ნოხი და ფარდაგები.

ქალები ღამით წავედით ტყეთი,
თვალეში ფეთქდა ელვა წყაროთა,
ყვავილს, რომელსაც ჰქვია - ნუგეში,
ჩვენ დავეძებდით და გვიხაროდა.

ვაჟნი ეძებდნენ მთებში ხაზინას,
თოფების ბოლი ცრემლებს გვადენდა,
არ დაგვასვენეს, არც დაგვამინეს
და ასე კიდევ შემოგვათენდა.

ავშალეთ მთაში მტევნები ფუტკრის,
ვაჟები ირმებს სდევდნენ ჯირითით.
უცებ... მახლობლად დაჭრილი ნუკრის
მოგვესმა კვნესა და ჩვენ ვტიროდით.